

Enformaziuns y Comunicaziuns

Edema dla Fede: La Unité Pastoral Val Badia organisèia dai 17 ai 24 d'otober l'Edema dla fede 2021. Te còsta ocasiun él ince gnü envié **signor Eugen Runggaldier**, vicar general dla diozeja, co tolará pert a na encuntada **le venerdì ai 22 d'otober da sèra sò La Val**. Por ti dé a trepa jont la poscibilité da tó pert y cialé respostes a ci co se stá a còr dla fede y dal dagní dla Dlijia, él gnü ponsé da chëie adòm les domandes che nosta jont se fej. Porchël se periunse da scrí valgünes de còstes ostes domandes y les **dé jö anter i 10 d'otober tla cassèta aposta** co gnará motüda fora te dlijia dla proscima domègna ennant. Les porsones responsables dla Unité pastoral ti fajará avèi les domandes por tomp a signor Eugen. Ala encuntada en chë sèra aldiarunse spo les respostes dala porsona competonta.

Crejima: Co vára pa ennant con la Crejima? Por cialé respostes vègnel tigní döes sères d'enformaziun con Markus Felderer - diretor tal ciamp dla catechesa dla Diozeja. Ares é ponsades por jonèza, geniturs, families, toc/totes, catechisc... Les sères é le lönesc, ai 20 de setèmber ales 20:00 sò La Val te dlijia (y te salf dles uniuns) plü por l'alta Val Badia; y **la jöbia ai 23 de setèmber ales 20:00** tres sò La Val te dlijia (y te salf) plü por la bassa Val Badia. Düc é bel enviês da gní!

Pelegrinaje: En sabeda ai 25.09. organisèia l'Union Generela di Ladins le pelegrinaje dla jont ladina a Oies. An s'encunta ales 14:30 te dlijia da San Linert, ales 15 pèia ia la prozesciun, ales 16 él mësca lassö, ciantada dal Cor de dlijia d'La Pli de Fodom.

Pelegrinaje: La Uniun dles Porsones Vèdoes y Sores dla Val Badia envièia a en pelegrinaje a Steinhaus, **en jöbia ai 30 de setèmber**. Le bus pèia ia ales 8:45 a Al Plan, ales 9:00 a Longega. Ales 11:00 sarál na mësca te dlijia da Steinhaus y dedò marèna deboriada tal Restorant Almdiele. Ales 14:00 vijita al museo dles cripeles. lade, marèna y museo costa 50,00€. Al é da s'anunzié dan i 25 de setèmber pa Tresele al 0474 501397 o al 0474 590069. Por podèi tó pert ôl ester le „green pass“.

KVV Senioreclub: En **dedemedaledema ai 22.09.** tólun le bus de ligna dles 8:17 dal Cone demez por jí ete en Gsies. Enló jarán a pé sòla Kradorferalm. Al é saorí da jí, za. na picia ora. En **dedemesaledema ai 29.09.** tólun spo le bus de ligna dles 9:17 dal Cone demez por jí a Neustift, y danló a pé cina Milland. Ince tló él saorí da jí.

Dotur Marcocci: Con i 1. de otober él le dotur Marcocci co vá en ponsiun. Por plinderné le patüc da so ambulator, tolarál valgügn dis lèdi, **dai 27 ai 30 de setèmber**. Empede èl sarál la doturia Margarete Mahlknecht te ambulator da San Martin de Tor. Ara é ince da cialé al numer 0474 523018 o 349 0667034.

ASC Mareo: Al vèn organisè encuntades de sport, devertimont y movimont por mitans y mituns dles prömes trèi elementares (nia chi co sóga belo tla squadra U10). I alenamont mèt man en dedölönesc ai 21.09. y vá ennant cina ai 14.10., dagnora dedölönesc y jöbia dales 15:00 ales 16:00, ete dal ciamp dal sport. Iscriziuns le pröm dé. Al é da paíé 60,00€ a möt. Enformaziuns pa Luca Costabiei al 338 3523493.



Plata dla Ploania Al Plan de Mareo San Vigile

Ploian: Signor Klaus Sottsas
E-Mail: klsottsas@rolmail.net

Calogna Al Plan: 0474 501006
Radio de Ploania: 93,00 MHz

UNITÉ PASTORALA



VAL BADIA

www.unitepastorala.org

Ann B

19.09.2021 - 25. Domègna ia por l'ann

nr. 43

Chël co ô ester le pröm, dess ester l'ultimo de düc

Dal Vagnele do San Merch 9, 30 - 37

Te chël tomp ³⁰passâ Gejú y sù discepui fora por la Galilea. Mo Gejú n'orea nia che zacai gness alessèi; ³¹deach'al orea istruí sù discepui. Al ti á dit: Le Fi dal Om ti gnará sorandé ala jont, y ai le copará; mo trèi dis dô sôa mort ressoriarál. ³²Mo ai ne capia nia le significat de sôes parores, ai ne s'anfidâ nia da le damané. ³³Ai ea roês a Cafarnaum. Canch'al ea spo te ciasa, i ál damané: De ci èise pa baié sön tru? ³⁴Ai scutâ, deach'ai â baié de cal co ea le plü gran de d'èi. ³⁵Danló s'á Gejú sonté, á cherdé i dodesc y ti á dit: Chël co ô ester le pröm dess ester l'ultimo de düc y le sorvidú de düc. ³⁶Y al á motü en möt danter èi, spo l'ál tut te sù brac y ti á dit a d'èi: ³⁷Chël co tol sò en te' möt por mia gauja, tol sò me; chël endere co tol sò me, ne tol nia sò me, mo chël co m'á mené.




Parora dal Signur! - Lalt a te, Gejú Crist!

Lîtes dal Consèi de Ploania



Ai 24 d'otober gnará tigní te nosta diozeja les lîtes dai Consèis de Ploania. Tló Al Plan gnará ince tigní **na prelîta**, por ti dé ala jont la poscibilité da fá propostes y da indiché porsones che an arata adatades por le Consèi. Al gnará porchël partí fora te vigne familia les zetoles por la prelîta y por la lîta. Sön vigne zetola él la poscibilité da **scrí fora 6 ennom**s. An pó lité vigne porsona **co á complí 16 agn**. Les zetoles dla prelîta é da dé jö te dlijia, **dai 25 de setèmber cina ai 3 de otober**.

Les porsones co cialará usc tla prelîta gnará damanades sce ares azeta da sté ete tal Consèi, y chi co azeta, i gnará spo comunichês ala popolaziun, ai 10 de otober, tres la plata de Ploania. Danter còstes porsones gnará lité le Consèi nò. Les zetoles dla lîta podará gní dades jö te dlijia, **dai 16 ai 24 de otober**. Ai voluntars co dèida tla organisaziun, i vál nosc lolan fort.



Edema liturgica dai 19.09. ai 26.09.2021		
DOM 19. 08:30 9:30 10:00	25. domëgna ia por l'ann S.M. a La Pli Corona por +nta Marta Pisching ved. Trebo Gran Mëssa por dōta la ploania <i>oferta por la ploania</i> 2. Requiem por +nta Marta Pisching ved. Trebo dal ann por +nc' Mattio y Helene de Col +nt Cristiano Comploi - +nt Resch Matthias	<i>Januarius (Gennaro), Igor, Ferdinand</i> LAD
Lön 20. 18:00	<i>Andreas Kim Taegon, Paul Chong Hasang y compagns</i> S.M. dal ann por +nt Trebo Hermann por +nc' Tamers Carlo, Ties Tone y Angela +nt Pepi Obwegs, Garsun - +nc' Taibon Mina y Angelo vīs y +nc' dla fam. Schweigkofler	DEU
Ded 21. 19:30	fešta de San Mateo apostul y evangelist, <i>Debora</i> Corona	
Dem 22.	<i>Maurizius y compagns, Tomesc, Jonas</i> Vijita personala te dlijia y cortina	
Jöb 23. 09:30	<i>Pio da Pietralcina (Padre Pio), Tecla</i> Signor ploan va a proveder Vijita personala te dlijia y cortina	
Ven 24. 07:30 15:00	<i>Rupert y Virgile, Gerhard, Hermann</i> S.M. dal ann por +nta Promberger Lidwina por +nc' Pedevilla Franz y Marianna de Terza por +nc' Irma y Albert Sottsas Corona	LAD
Sab 25. 17:30 18:00	<i>Sabeda de Santa Maria Nikolaus da Flüe, Gottfried, Sergio</i> Corona S.M. prefestia 3. Requiem por +nta Marta Pisching ved. Trebo +nta Laura Clara Kanetscheider +nt Borroni Giorgio - +nc' Stefan y Christian Vollmann	ITA
DOM 26. 08:30 9:30 10:00	26. domëgna ia por l'ann De mondial dai migranc y profugs S.M. a La Pli Corona Gran Mëssa por dōta la ploania <i>oferta por i migranc y profugs</i> 24. Raduno dei Lupi S.M. per il gruppo degli Alpini presenti nella S.Messa	<i>Cosmas y Damian, Paolo VI., Eugenia</i> ITA

Oraziun dal Dé - 25. domëgna ia por l'ann

Periun! Dio sant, te s'as dé le comandamont dal amur ch'i t'orunse bun a te y al proscimo desco ademplimont de dōta la lege: dasse la forza da se tigní con fedelté a cōsc comandamont, ch'i podunse arjunje la vita eterna. Dō cōsc te periunse por nosc Signur Gejú Crist, to Fi, co é Dio y vir y regnëia con te tl'unité dal Spirit Sant, por dūc i secui dai secui. **Amen!**

Ponsier dla Domëgna

Nos án dūc - plö o manco - scioldi y roba. La domanda fundamentala é endere, ci che i nen fajun de cōsc patrimone.

Oraziun: Valur dla vita

Signur,
entravaiés ete tles rëis, tles nezescités y tai dovëis
ne cialfunse gonot nia plü le fi checio
de valur.

Signur,
tachés a crusc, festidi y têmes
chiriunse debann le fi checio de valur.

Signur,
adorbés da trec cadri, tentaziuns y
reclams
cialfunse apëna le fi checio de valur.

Signur,
scassés ia y ca da nüsc trec dejiders
y dales preteses dai atri,
chiriunse con desperaziun le fi checio
de valur.

Ensëgnesse tö i dër valurs dla vita.
Amen.


Zuspruch

AM SONNTAG

25. Sonntag im Jahreskreis B

Anbetung verändert die Perspektive,
weil wir in der Anbetung zu Gott
gezogen werden und alles aus seiner
Sicht sehen.

Friedhold Vogel



Chël co tól sö en püre möt
te mio ennom,
chël tól sö me;
dij Gejú.

D'atres regoles de jüch

Ester cristians, fej datrai la vita da sté enré.
De cōsc nes baia les letōres dla domëgna.
Atló él porsones, co n'aspeta nia l'ora,
che an röii a dubité dla fede.

Atló án vigne de da scíampí
con nosc egoism.
nostes stritaries,
nostes gelosies.

La comunité dai credonc
á da tigní cunt de d'atres regoles de jüch,
co che la sozieté le vir dant:
i pici y debli stá enló tal zenter,
á nanter nos so post d'onur.

Mo ái pa proprio cōsc post?
La vita da cristian
ince sce ara pō dificoltosa,
nes damanunse:

“Esístel davëi na alternativa
ala vita en raport con Chël Bel Dio”? (Sb)

Sorvisc dai Ministronc

Lönesc 20/09 (18:00h), Vendres 24/09 (07:30h): Felix y Lena Feichter;

Sabeda 25/09 (18:00h): Michelle Agreiter, Mattia Leggio, Romina Palfrader, Anita Possamai, Jan Paul Promberger, Sophie Rungger Kuprian;

Domëgna 26/09 (10:00h): Lisa y Marco Alberti, Niki Fappani, Simon Trebo

